

**AHIETAK
BUK**

A. Capell.
U.S. 47.

264.041 AH1

MOORE COLLEGE
LIBRARY

AHIETAK

BUK



Nobonob

MOORE THEOLOGICAL COLLEGE LIBRARY



3 2042 10014894 3

a hymn book in the Motenof language

1946
Lutheran Mission Madang
Madang
Territory of New Guinea

NAI IKI ANATAKNU

	Hokalab
Metid Tamaniaknu Dig (a)	0
Metid Tamaniaknu Dig (b)	1
Tituanak Nai 10	3
Satan Dimetak Nai	3
Kristen Abilah Nid Bag-Betakpa Laitaknu Dig	4
Ewau Matulatak	5
Butua Unubidak	6
Tuban Unubidak	7
E Lakulag Henana Unubidkulagnu Nai	7
E Lawona Unubidkulagnu Nai	7
Laiatak Nai (Nid nakoknu)	8
Laiatak Nai (Katekumennu)	10
Ititak Aowak Nai (Konfirmandnu)	11
Hipunin Uhubak Nai	14
Hag Tuban E Lanak Nai	16
Boumaknu Nai	18
◆	
Metid Det Ahi	19
Nadinu Binag-Mak	22
Unubidaknu	26
Jesus Udikunu Haen	30
Jesusnu Menuak Det	32
Maat Bau Ahi	37
Jesusnu Bag-Betak Haen	38
Jesusnu Motpa Hibaitak Det	43
Hagoutinu Ahi	46
Nid Nakoknu Laitak	49
Hag Tuban E Lanak Ahi	49
Jesusnu Ahi	51
Tutuku Oijaknu Udatnu Ele	54
Butua Ahi	63
Tuban Ahi	64
Mahitak Ahi	65
Mauhak Hab Atan Tak Ele	67

AHI ANATAKNU

Number

Abab danab ah elede	34
Aben imu Tibud nuka kalowa	51
Am iku ena bau bete	72
Am matu okam noum	74
Atu gait gikieje	73
Atu madete oitem	81
Atu wagda bebe	68
Da dim doige! Kristus ate	63
Dahil nadi ena heme	55
Danab ah oh ahego	65
Da wanpa oijak malomde	82
Det gemu Jehowa heum	24
Det gemu Jesus nuhig neumde	32
Hab ab atannu da nemi	25
Hagouti na inam nena	46
Hanhan Jesus ele oijak	62
Hosiana Tibud beka an' neku	21
Jehowa da mamel genabe	76
Jehowa hab date	8
Jehowa nahip det udiom	1
Jesus aum: Doige	67
Jesus bau ena date	45
Jesus danab nadi	53
Jesus hibaitom	44
Jesus na ena, Tibudnu nide	52
Kristus nug da bedul bia	33
Mame na idi i Mamo	16
Mame na nai nahip	3
Na da epel adana	17
Nai ena daulpa domi	6
Ne hodopai ohon' dateb	11
Ne padailpe	80
Nid adit olah ug ele	43
Nid nauna o dona	28
O ab, na enanag, adepa datem	79
O aowai Jesus o	39
O danab ah ag doige	64
O danab ah nid age	60

O danab ah nid ahan' dopego	66
O dotol bala ena me	50
O Hagouti na, Tibud genabnab	48
O ige lainige Jesus	57
O ikin tin netede	37
O Jehowa, ihinig Nadi	10
O Jehowa na hab datem	4
O Jehowa, nai nahip	7
O Jesus ahan'	18
O Jesus aun la na daug atiku	36
O Jesus ige imu ab lap' gotem	78
O Jesus, ige imu	5
O Jesus, ige imu	49
O Jesus, Oldoijak nadi na	56
O laial epen mete	77
O lainig ena, o Jesus	54
O Mauhak, na baun adepa	42
O Nadi o o Tibud na	19
O nide oh dopege	61
O nido ahego	71
O nido, ban ihinig betede	69
O nido e o	31
O nido lailado	38
O nug ete, ig ohnab	2
O o Mame na nakanabe	15
O Sion nido	30
Okai ahi binag ele	12
Ol enanage, ol itage bat	26
Ol gamag ahehe datem	27
Ol obate na ib ode	22
Ol od matule	23
Ostern, Ostern, det enade	41
Tamaniak danabo e ag doijego	70
Tibud belelek nag	40
Tibud binage meig	9
Tibud ige ehanikak	58
Tibud ina	83
Tibud ititak megete	20
Tibud meme nag Jesus	35
Tibud na amenpa aum	13
Tibud nadi, na da anide	14
Tibud Outi, Kristnu ele	47
Tuban ena, hag ele	29
Udat hetat' oitemde	59
Wan atu imu nite	75

Metid Tamaniaknu Dig (a)

Daugbatak: Tibud onigpa, nug Beka onigpa, Hagouti onigpa ig iku dig metem. Amen.

Tamaniak Ahi:

Daugbatak: Nadinab, nug hab wan ele hatan amu, nug ihinig ehanitak date. Wanneru ameg bak, o gamag ahak keke ele oh betotna malaglag, am' la, nug Tibud nai doiya, dab-mama oiku amu, mauha bauklel aowa hanhan bau ena daku.

Ahapeg, ig ikude Tibud amegpa ihinig hipunin aput doiya! Odoiya Tibud, ig Mamenig, ig bedunigpa tape nak kudum ele datem amunu "kakita hemut" atata na amenpa dub nota datem. O Mame, ihinig Odoiya, na ig ena anigna, na Bekat, Jesus Kristus, ig ounig mauhan amunu, hipunin ihinig oh daun atijeb ita mat.

Tamaniak Bag: Nadi ihinige ot doiya! Kristus ihinige ot doiya! Nadi ihinige ot doiya!

Daugbatak: Edet bitumtum gokulag, wan bida ele ukan' bekulag, am' dahil ena antak na uita bitumtum igoma, dahil manin tituanak uka ibema, — Nadi, nahip Odoiya, anam aowa ate. Tibud binag aha atan ta daiya!

Tamaniak Bag: Wan manin nijebe, danner abe amege beku. Amen. Amen. Amen.

Daugbatak: Nadinab ag ele dan' oiya!

Tamaniak Bag: Na doton ele daiya!

Daugbatak: Ag olag aheb, ig Tibud unubidtu! — O Nadinab Tibud, na anukan daiya, na gemu datem, na butiati dakut. Gemu nahip metid, amunu ig nahip nai ena dognignu udimut. Nai nahip ig onigpa idaku, ig eheth oiya, amunu ig onig od matulpe, nai nahip noa daiya, na ipun

amahleb tapat' oitu! Ig mauhta nob metakpa iomata, am' ig hab abpa gota dagnig amunu! — Am la ag Tibud nai donna olagpa bag mekulag amu itadku. Haleluja.

Tamaniak Bag: Haleluja, Haleluja, Haleluja!

Daugbatak: Ig abab Kristen adi onig laipu meta opa genab doijak nai hag ele elele atu!

Tamaniak Elele: Da Tibud, ig Mamenig, ebehi oh ele date, hab wan ele dig date ele amu olpa genab dotem. *breed*

Da Jesus Kristus ele, nug Tibud Beka laipunab, ihinig Nadi ele, olpa genab dotem. Ah makun Maria Hagoutipa o no nug menuan Pilatus he nug keke mua doije ademaitakpa atuleg mauhe boumeg. Nug dotolag abpa no, det ewam be mauhak olagpanu hibaitan; hab atan tan. Nug apa nug Mameg Tibud, ebehi oh ele amu, epeg natiappa hedep nana date. Apanu nug eduwa udija bau oijak adi, mauhak adi ele toliadku.

Da Hagouti ele olpa genab dotem, Kristen ameg laipu hag ele, hag adi tamaniak, hi-punin uhubak, bedu bau ma motpa hibaitak, bau hanhan daijak ele, olpa genab dotem. Amen.

Tamaniak Ahi:

Daugbatak Nai:

Tamaniak Ahi:

Metid Tamaniaknu Dig (b)

Daugbatak: Ig unubidtu: O Nadinab, na ihinig Tibud, ig nai nahip enanag domut amu ig onigpa daijebob oignignu na hepe ig aib daunig atiom! Ig danab nau, nai hagen atata oitem, amu dodta ig na unubidtem, na

na Bekat, ig Bedunig Uhubak, Jesus Kristus, nug anukan ihinig hipunin kukua ig ounig mauhan amunu, ig ena anigna aib aigme, Ig danab la, dimad adi lab adi ele dilag unubidtem; na hepe itateb ag ele nai nahip ena don' oijeg! Ihinkad okai adi, ihinig king, nuhikud begebeg oh ele na ena anadna itadna hepe ag ig tutuku toligpeg madot meta oitu!

O Mame Tibud, na keke oh Mamelag datem, na hepe am ena nat, gu ena nat, ig keke ebetam amu: ma, mug, dapet, keke la oh ele amu itidpe ena mat! Na otpa daijeb dona na hepe ode nadi ig aib ibom, mua haen nadi domtanu atognoigpepe ena dat' oitu! Ig ihinig tape nakpa nahip Hagouti lamidput ukeb nob nau aomtanu na nahip odoiakpa ig ehanigpe ig na ipun tapat' oiput, ihinig mauhak haen beb ig na Bekat, Jesus Kristus, bedupa bauklel aot' hab atan teta ena datu!

O Tibud Nadi, na onin enanag, na do enanag, na apan enanag! Ig na binan metata datem. Amen.

Tamaniak Elele: Ig Mamenig, na hab atan datem, na onin gun daijat, nahip kobol udiat, na otpa keke hab daub dabmenana he-teb, amubia wan adi ele dabmenana heig, e meg'tem amu gemu ele meke, hipunin ihinig na daun atiat, am' la ig hipunin meg'teb amu dilag hipunin ig ele daunig atiku, aib omaigpe bedu metakpa omut, nau mua ele bedunig uhubike!

Tamaniak Bag: Habe wan ele oh nahipade, hanhan na binan ele dakut. Amen.

Daugbatak: Nadinab heb ag itateb, nug ag ena atognoatebeb oijeg! Nadinab nug idu ag bedulag honatebeb oipeg, nug ag ena anatebeb oijeg! Nadinab nug idu huma ag badelagpa mama, nug ag madot mateb oijeg! Amen.

Tamaniak Bag: Tibud ititak megete,
 Amu binag metat' datu!
 Ige danab ah wanpanu,
 Engel daub atannu ele.
 Amen.

Tituanak Nai 10 *10 Comm.*

Dig Mak: Da Nadinab, nahip Tibud!

1. Da hebolpa na tibud la aib apilag bakame!
2. Na Nadinab, nahip Tibud, nug onig mauh-
 noak aib dime, am' la nug anam heb doi-
 ja Nadinab nug heb nug nob iaowak ioima!
3. Na metid det hag me!
4. Na marlen anin ele humate, -na ititak
 aon' wanpa haen elab bau oikut amunu!
5. Na aib bepe mauhom!
6. Na ewau aib pakuatme!
7. Na jabhoi aib aome!
8. Na laiap mudipannu nai hambupuak aib
 ame!
9. Na laiap mudipan nug laug aib aokutnu
 amen beum!
10. Na laiap mudipan nug wau, nuhig bege-
 beg danab, nuhig begebeg ah, nuhig dot,
 nuhig keke oh ele aib aokutnu amen beum!

Satan Dimetak Nai

Gemu da Satan dimedakul. Nuhig keke
 hambupuak, kobol nau, keke nau nuhikud
 oh ele da gemu watena dimaten' oikul hetem.

Jesus Kristus, nug da bedul uhubom amu, gemu ol metami. Nug nuhig tigpa hipunin dahil opiye ita meum. Keke naupa Satan da balite oiji; Jesus da bedul uhubom. Da mame-lad, alalad, dokialad adi dilag kobol balite oiji, Jesus da bedul uhubom. Amunu badag keke, wan aowak keke, batmak keke amu gemu iku wem, bau la iheine oipa. Jesus nug nuhig Hagouti da metom, olpa noun date. Kobol genab da olpa doiyeje oikul he-tem. Jesus nuhig Hagouti da omaiteb, da Mamel Tibud ode nai doiyeje oikul.

O Tibud enanag, da Mamel na! Keke oh dignab na! Hab, wan, ju ele keke oh haten, — wan jan mete! Da na apan enanag antena, na Bekat, Jesus Kristus, ele anidkul! Amen.

◆

Kristen Ahilah Nid Bag-Betakpa Laitaknu Dig

Daugbatak: Tibud onigpa, nug Beka onigpa, Hagouti onigpa ig iku datem. Amen.

Nid imu mauhkunu bagaitak nijeje andete da a otmattem: a da nid imu Tibud onigpa, nug Beka onigpa, Hagouti onigpa laidkulnu olah datete? A olah anam daijeb doiya, “gede” aoja ait!

Mameg Anig Ele: Gede.

Daugbatak: Da bau la otmattem: Da nid imu anam laidpi a nug Jesusnu kobol, nuhig nai ele a bedulahpa odelahpa ele ipunid-kulahnu olah daijeb doiya a “gede, da anam hekul” aoja ait!

Mameg Anig Ele: Gede, da anam hekul.

Daugbatak: Da na laidtem, Tibud Mame-nig onigpa, nug Beka onigpa, Hagouti onigpa. Amen.

Na Tibud nuhig madot aon oije!

Ig unubidtu: O Mame, Odoi jak na, na naka ot he nid nakok imu bau menuidna nahip Hagouti metame amu onigpa dodta na "ig ena hen' mekame" atata datem. Ig na unubidtem, na hepe nuhig hipunin oh ita meb, nug nahipib daija, keke nau oh dimeta bedu hag ma daijat! Nug anam daijebeb nuhig mauhak haen beb nug Jesus Kristus bedupa bauklel aoku amunu! Amen.

Tamaniak Elele: Ig Mamenig, na hab atan datem.....

Daugbatak: Nadinab heb ag itateb, nug Amen.



Ewau Matulatak.

Daugbatak: Da gamalad: Ig iku bagmemut datem, Tibud nobpa la iku dateb nolagpa ele danab ah imu ewau hag ele daglahnu matulatkunignu,—Apostel Paulus danab oh imu ena hekulagnu anan amunu. Am' kobol imu idoi ja mauhnoak haknu ita! La imu hekunu o daijeb doi ja, nug kobol imu hag doi jeb, la nug daug batapeg doi ja, Tibud badita, bedu wagteb doi ja peheta hat!

Tibud nai hag ele ig inam ipunigte: Tibud nug nuka ewau kobol dig man amunu danab ah dig amupa bedulah laipu mepet ohob oiglahnu Tibud opa elele dote. Am' la ohoak date amu danab laipu la otatkunu ebehi elele idate. Am' Kristus nug nuhig tamaniak iki date, amubia danab nug nug wau iki date. Am' Tibud nai, la ohoak datep amu inam hekulahnu, ipunigte: a nug o doi jeb doi jeb oija, olah la imetai ja, a nug nug gumidijaja oiglahnu. Am' ewau hag ele opa noi ja daglahnu danab ah imu ig nonigpa datep. A nug aoglahnu nai oh elele date onig daijeje ig a matulatkunig hetem.

....., da na otmedtem: na.....imu na wat daijeb, la dimatana, na nuhig ot doi-jeb, nug humidnana dapugpug danna bag-betak detpa, bagaitak haenpa iuna oipe mauhak nug nuka otiaikunu ot daijeb dona, na "gede" aon a!

Danab: Gede.

Daugbatak:, da na otmedtem: na.....imu na gamut daijeb, la dimatana, na nuhig ot doi-jeb, nug humidnana dapugpug danna, bag-betak detpa, bagaitak haenpa iuna oipe, mauhak nug nuka otiaikunu ot daijeb dona, na "gede" aon a!

Ah: Gede.

Daugbatak: Da a Tibud onigpa, nug Be-ka onigpa, Hagouti onigpa iku matulatem. Amen.

Ig unubidtu: O Tibud, na anukanu alet datem, na keke oh haten, na danab ah oh atognoadtem, na ena antak dig, bauklel dig ele datem: ig na unubidtem, na hepe danab ah imu itateb ena daija oijet! A geha na nompa nug aoglahnu apit amunu na hepe a hanhan detdet nug o doi-jeb doi-jeb madot oijet! Ig imu Jesus Kristus onigpa unubidtem. Amen.

Ig Mamenig, na hab atan datem..... Amen.

Butua Unubitak

O Jehowa, na ig Mamenig hab atan datem. Na nakanab anukanu Tibud nadi laipu, — tibud la ita. Jesus, nid nahip ig lainig, na ele hanhan hab atan datep. Na gemu tuban ig ena anigme, amunu ig ena nimut, padal-imemut. Geha iku ena ahamut.

Imu na ena hen' mekame. Na gemu ig bau la ena anike, padal-imemata amunu! Hipunin na ig bedunig uhubigpe, ig na ele madot oitu! Ig bedunig, ig dotonig ele nahipad, amunu na dabmate! Na ig ele oidta, ig ena oidta padal-imemata. Imu ena. Amen.

Tuban Unubitak

O Jehowa, na ig Mamenig, hab atan datem. Na anukanu Tibud nadi laipu, — tibud la ita. Jesus, nid nahip, ig lainig, na ele hanhan hab atan datep. Na gemu ig ele oidta ena anigme, amunu padal-imemut. Ig ena oimut. Ena iku datem. Imu ena. Amneum, gatatu neum, amunu ig geha iku nig-nig hetem. Ig na unubidput donna, hipunin ihinig na daun atiat! Gamanig ena mihe! Tuban ig nibput ig ena anike. Mat aib emaikom! Ban aib emaikom! Apiap aib emaikom! Satan aib bubuikom! Na ig atognoigpe nijota buti butua ena ahatu! Amen.

E Lakulag Henana Unubid- kulagnu Nai

O Mame Tibud, na ig epunig ena mekame, amu ig lakunignu bagmemut datem. Nahip ititak megapa ena latu ig bedunig ena daijebbeb oignig amunu! Amen.

E Lawona Unubidkulagnu Nai

O Mame Tibud, na ig epunig ena mekae ig lamut. Na ig ena hen' mekame. Amen.

Laiatak Nai (Nid nakoknu)

Daugbatak: Tibud onigpa, nug Beka onigpa, Hagouti onigpa ig iku datem. Amen.

Tamaniak Ahi:

Unubidak: O Tibud Nadi, ig Mamenig, ihinig bauklel ele na. Ig bauklel hamu iaomta. Na ihinig ot doiye, na bekat Jesus Kristus wan imupa me nan; nug mauhanpa ig bedunig dotonig ele uhuban, amunu bauklel bau la na megape ig aognig. Ig nid nakoknu Jesus Kristus onigpa na unubidtem: Na nid imu laiatakpa Hagouti madakutnu, amunu nid imu oh bauklel madape aoglag. Amen.

Daugbatak: Tibud onigpa da gamalad: Ihinig Nadi Jesus Kristus nug bekod amelagpa anan: Ag ahan' gona abab danab ah oh hepeg, da nalad daijeg! Amunu ag Tibud onigpa, nug Beka onigpa, Hagouti onigpa, laiitag! Keke oh da ag ipunadmi ai dopig amu, ag ipunadpeg amu henan' oiye! Ag doiye, da ag ele hanhan dadta oignig, wan haen mala batak. Nug la anan: Danab ah oh dahil olagpa genab doidna laiatak aonna, ag padal-imemana. Danab ah la ag dahil olagpa genab idoidna ag padal-mekulag. Amunu ag nid nakok imu laiatak aogliagnu ipa din' udipig.

Ag Tibud nai la doiye! Ag nid nakok omaladna Jesus gumidna oeg, nug epeg ag ikilagpa meb itadku amunu. Nug bekod ag nid nakok omaladna oeg anadna, ag gedadna heg. Jesus anata, nug bekod alata anan: Enade uweg, nid nakok ag din' gumidna udipig, aib ehaladna hepig! Tibud apag ahilag date. Da genab iku atem: Danab ah la ag nid nakok bia Tibud nai iaonna, ag Tibud abapa igomana. Nug nai anam anana,

nug nid nakok dija, otakijata, epeg ikilagpa me itatan.

Jesus Kristus onigpa da gamalad: Ag nid nakok imu Jesus onigpa laiatak aowona hag laiatak imupa ag Kristen dilag tamaniak opa ena daglagnu olagpa daijeje din' ipa udipig. Amunu da ag odmadatem: Ag Satan nuhig kobol ohnab un' oiglagnu olagpa daijeb dona, "gede" aon aig!

Mamelkad Anilkad Ele: Gede.

Mamelkad Anilkad Elele: Satan Dimetak Nai.

Daugbatak: Da baula odmadatem: Da nid imu anam laiadpi, ag ag Jesusnu kobol nuhig nai ele ag bedulagpa odelagpa ele ipunadkulagnu olag daijeb dona, ag "gede, ig anam hekunig" aon aig!

Mamelkad Anilkad Ele: Gede, ig anam hekunig.

Daugbatak: Ag Opa Genab Doijak Nai elele aig!

Mamelkad Anilkad Elele: Da Tibud, ig Mamenig, ebehi oh ele date.....

Daugbatak: Da bau la odmadatem: Da nid imu Tibud Mamenig onigpa, nug Beka onigpa, Hagouti onigpa laiadkulnu, ag olag anam daijeb, ag "gede, ig onig anam date" aon aig!

Mamelkad Anilkad Ele: Gede, ig onig anam date.

Daugbatak: Da na laidtem, Tibud Mamenig onigpa, nug Beka onigpa, Hagouti onigpa. Amen.

Tibud nadi ihinig Nadi Jesus Kristus nug mameg, nug ag Hagouti le elepa bau menuata ahilag hipunin oh uhubeb, nug heb ag gagatag dan' oinna bauklel aoglag amunu. Amen.

Ag Tibud nuhig madot aon' oijeg!

Unubitak: O Mame, Odoiak na, na naka ot he nid nakok imu bau menuadna nahip Hagouti matame amu onigpa dodta na "ig ena hen' mekame" atata datem. Ig na unubidtem, na hepe ahilag hipunin oh ita meb, ag nahipib danna, keke nau oh dimetanna bedulag hag mena daijeg! Ag anam dapeg ahilag mauhak haen beb, ag Jesus Kristus bedupa bauklel aoglag amunu. Amen.

Tamaniak Elele: Ig Mamenig, na hab atan datem.

Daugbatak: Nadinab heb ag itateb.

Laiatak Nai (Katekumennu)

(Nai digmak imu Nid nakoknu laiatak nai bia.) Ag ahan' gona abab danab ah oh hepeg, da nalad daijeg! . . . padal-mekulag.

Unubitak: O Nadinab Mamenig anukan-nu, ihinig Nadi Jesus Kristusnu mameg. Danab ah oh ag na unubidteb amu dilag ehata natak datem; am' la oh ag na tapatidna heteb ele amu dilag bedulag uhubak datem; am' la oh ag na unubidteb ele amu, na amu dilag madot danna oitem. O Nadi na, amunu ig na unubitat' atemde, danab ah imu ag nahip laiatakpa bedulag hipunin uhubak aoglag heteb ele amu ena nekadna daije. Am' ag nahippa gokulag hena beuttidteb ele amu dilag od matule, ag keke nahip enanag unubidnan' aoglag heteb ele amu, nahip ititak amu ena madna nekadna daije. Na bekat Jesus Kristus, nug ihinig Nadi, bedunig uhubak ele, nug anukan ig ounigpa mauhan amu, nug onigpa nahip hag keke amu ena mata-na itadpe ene dan' oiglag. Amen.

Daugbatak: (Odmetak nai.) Na gemu Satan dimedakut, nuhig keke hambupuak, kobol nau, keke nau nuhikud oh ele na gemu wadna dimetan' oikut hetem amu ape dotu!

Danab Ah Elele: Satan Dimetak Nai.
Daugbatak: Ag oh elele Opa Genab Doi-
 jak Nai apeg dotu!

Danab Ah Elele: Da Tibud, ig Mamenig,
 ebehi oh ele date.

Daugbatak: Opa Genab Doijak Nai, na
 ame amu, na hanhan don' oinna, nahip Pro-
 testant Mission imu iuidna? Na ot anam
 daijeb, Tibud Mamenig nobpa nuhig tama-
 niak nolagpa "gede, genab, da anam hekul
 hetem" ape doijeg!

Danab Ah Elele: Gede, genab, da anam
 hekul hetem.

Daugbatak: Na laitak aokutte hetem?
 Ape dotu! "Gede, da aokul hetem."

Danab Ah Elele: Gede, da aokul hetem.

Daugbatak: Da na laidtem, Tibud Mame-
 nig onigpa, nug Beka onigpa, Hagouti
 onigpa. Amen.

Hokat nai wanpa oijak omaladkunu:

Ititak nai: Nadinab Mamenu, Bekanu,
 Hagoutinu ititak ag badelagpa na tona-
 teb, aon' maon' ena dan' oiglag. Amen.

Tamaniak Elele: Ig Mamenig, na hab
 atan datem.

Ititak Aowak Nai (Konfirmandnu)

Tamaniak Ahi:

Daugbatak: Tibud onigpa, nug Beka onig-
 pa, Hagouti onigpa, ig iku bagmeta datem.
 Amen.

Unubitak: O Nadinab Mamenig anukan-
 nu, na ihinig Nadi Jesus Kristus mameg,
 nahip odoijak, nahip omak genab wagde
 wagde bau ihinig haha date. Ig na binan
 metata iku datem; na nahip odoijak nid
 imu matana ihuhuadme amunu.

Ig na ag ena madtem atat' wan jat, na onin dit' binan metata, na ena heme aot' atem. Na gemu ag ena nekadna daije. Na ag tituanadna, na nahip Hagoutipa ag ena ehanadna, bapaladna hepe, ag nahip genab dig, bauklelele olagpa maiteb, jalag beb, nahip otaina, nahipib olag daijebbeb, gemu butiati anam henan' oiglag. Amen.

Daughatak: Tibud Nai, ag olagpa tau-tom amu, ag olagpa dabmetan' daulagpa donna omalna oijeg! Han la danab kudum ag Jesus uidna oijegeg, Jesus nug bekod oðmata anan: Ag elete da uidna gokulag hetebne? Petrus nug odepa aowa anan: Ne Nadi na, ig adepa gokunig heututme atem? Ig onigpa genab dot' anidtem, na Kristus, Tibud bauklelele bekanab.

O nid, da gamalad ag: Ag anukan mamelkad anilkad ele laiatak aoweg, ag Tibud ele nug tituaneg. La ag omaladna Nadinab top' oeg. Ag hipunin uhubadkunu laiatak aoweg. Ag nuhignab nid dan' oiglag-nu ag mamelkad, anilkad ele amu ag din' omaladna dona Tibud meteg. Ag anam donna daijeg! Wannu keke, gold, silba ele, keke betoda ita mekunu amu ag bedulag iuhubatom; am' ag Jesus Kristus nuhig tigpa ena toguak ele bedulag uhubatom dateb.

Ag gemu iku Tibud amegpa bagmena dateb. La ag matu Tibud nai daulag batan' aig dopig amu donna dateb. Ag mamelkad anilkad anukan ag oulag, Tibud amegpa aig doiijan amu gemu iku ag aka olagpa odelagpa ele nug amegpa akulagnu iku dateb. Ag anuka nug ele tituaneg ele amu, Tibud nug iku ona ou-abe, ag nuhig odoi-jak ena aon' tudidna bedulag pahaeteb ena dan' oiglagnu. Amen.

Danab Ah Elele: Satan Dimetak Nai.

Opa Genab Doijak Nai Ele

Daugbatak: Opa Genab Doijak Nai na iku odenpa ame amu, na otpa genab don' oipe, nahip wan haen mala bateb, Tibud na ouniteb hanhan amu don' oikutte hetemde? Nahip Protestant Mission imu iuidna? Na anam ot mena don' ape dotu! " Gede, da anam hekul hetem."

Danab Ah Elele: Gede, da anam hekul hetem.

Daugbatak Na nahip Nadi Jesus Kristus, nug na outpa mauhan amu, na bedun doton ele nuhignab dan' oikutte hetem, am' na mamen Tibud enate daun human' oipe, am' Hagouti na omaiteb ena oikuttaide? na anam ot mena don' " ao " aon a!

Danab Ah Elele: Ao.

Daugbatak: Da ewam batak otmedtem: Amu na Odoijak keke, amu na Tibudnu Nai, amu Nadinabnu Hag Tuban E, amu Unubitak ele amu na dabmetan' henan' ot gagatag ebakunu, laipad otad dokunu, hab kobol ameg mena dakutnu? Na anam hena don' da odelpa aon: "Ge, Tibud ou-iweb, hekul hetem."

Danab Ah Elele: Ge, Tibud ou-iweb, hekul hetem.

Daugbatak: Ge, ag apig amu, am' Nadinab nug ag odelag tudita "ao" aowa, nuhig "Amen" ele aku.

Daugbatak: Nadinab nug ag itadte; ag iku gemu Nadinab nuhig tamaniak opa dan' oijeg! Ag olag mena anidna don' genab bapaidpeg, ag ig ele Hag Tuban E, Nadinab nug ig mekom amu, lakunig.

Ag ahilag hokat nai, nug ahilag wanpa oijak omaladkunu aoweg!

Tamaniak Elele: Ig Mamenig, na hab atan datem.....

Hipunin Uhubak Nai

Tamaniak Ahi:

Babaitaknu Nai:

Daugbatak: O gamalad: Tibud Nadi, nug ag bedulag unubag dote, nug amegpa da ag odmadtem:

Genab ag Tibud amegpa ahilag hipunin aig nug dote, ag ele olag doi jat, ag wan imupanu kobol bedulag tagitak dateb, am' amunu ag keke ena iheteb, keke nau amu ag heteb, amunu Tibud ahilag uhubatak nug nuhig nai ag tapaig riete, amunu Tibud nug ag alata gedadlo amu tutuku helo.

Nai imu ag olagpa genab maiteb dona, ag "ge, genab" aon aig!

Tamaniak: Ge, genab.

Daugbatak: Ag olagpa genab dona, Jesus Kristus wan imupa na utian hipunin danab uhubadkunu, amunu danab Jesusnu olagpa genab dona hipunin uhubkulag? Genabte ahilag hipunin Jesus uhubadkunu olagpa dona, amunu nug mameg Tibud nuhig omakpa ahilag hipunin uhubadku, Jesus ahilag nu mauhan amunu.

Nai imu ag olagpa genab maiteb dona, ag "ge, genab" aon aig!

Tamaniak: Ge, genab.

Daugbatak: Ag Tibud nuhig nai, Kristus onigpa ahilag hipunin uhubaknu doglag hetebte, genab ag Hagouti nug ode nai ag hanhan dimlamidna, hipunin oh wadna oiglagte, ag hanhan Tibud amegpa oiglagte, ag detdet ib tutuku matin' oiglagte? Ag olag anam daijeb, ag Tibud nobpa Kristus nuhig tamaniak nolagpa ele "ge, genab" aon aig!

Tamaniak: Ge, genab.

Daugbatak: Ig ihinig hipunin Tibud amegpa aput doiijat; ihinig hipunin uhubak Jesus Kristus onigpa aognignu:

O Tibud, ig Mamenig, na amenpa aput doiije: Ig hipunin kudum hemut; keke la ena ig ihemut, keke la nau ig hemut, ig onig nahip elele idot' datem, ig ika ihinigib dotem, tepunig hipunin, bedunig humat' hetem, paha opotinig bete, ihinig mudipan ig elele iehanadtem, kobol la nau, danab la nuhig keke aognignu dituanin' metem, hipunin kudum la ele hetem, oh amu ig onig tutuku imaidtem, na nompā oh miag atiak dateb. Ig oh onig doiijeje; amunu ig na unubidtem, na ihinig ot doiijat! O Tibud, ig Mamenig, na hab atan datem, na bekat Jesus Kristusnu, ihinig Nadi uhubikak ele, ihinig hipunin uhubigna ehanike.

Uhubak Nai: Tibud Nadi ig Mamenig, ihinig o doiijeje, nug beka Jesus Kristus nug nuhig bag-betak amupa ihinig hipunin daug atite. Amunu ag olagpa genab dona olag doiijat; da Jesus nug ode nai bia: Tibud Mamenig onigpa, nug Beka onigpa, Hagouti onigpa, ahilag hipunin ita mekunu api doiijeg! Amen.

Nai Kahane: Jesus nuhig nai bia da api doiijeg! Ag olagpa genāb idona, olag idoma, olag iedueb oinna, Tibud ahilag hipunin daug iatima, am' amunu nug ahilag hipunin ag toliadku. Tibud nug o-mak haen gemu date, amunu danab amu olag edueb, olag doiijebēb, olagpa Jesus tutuku doiijeg!

Unubitak: O Tibud, keke oh ena amu na dig datem. Nahip madot, wan imupa danab idoteb amu ig meke; amunu ig na oden nai bia oidta, ig ena dadta oignig. Jesus wan imupa na ihinig ib odan; nug, na, Hagouti ele, na Tibud laipu, hanhan humak datem

Jesus nug o-mak, Tibud Mamenig nug
odoijak, Hagouti nug ig ele oijak, hanhan
ig oh ele datu! Amen.

Hag Tuban E Lanak Nai

Daugbatak: Nadinab ag ele dan' oijeg!

Tamaniak Bag: Na doton ele daijet!

Daugbatak: Ag olag humeg!

Tamaniak Bag: Ig onig Nadinab topa
humat' datu!

Daugbatak: Ig Nadinab ihinig Tibud hu-
mat' metu!

Tamaniak Bag: Amu tutuku ena ele.

Daugbatak: O Nadinab, ig Mamenig, na
hanhan ebehi ele datem. Ig hanhan aben
aben dadta "na ena hen' megtem" akunig
amu elele; amunu ig Engel hab daub oh ele
na onin enanag dit' na binan metata atem:

Tamaniak Bag: O Nadinab Tibud Seba-
ot, na hag, hag, hag ele datem. Nahip di-
tiag apinak hab wan ele tona malte. Hosiana
atan ta daijat! Jesus, nug Nadinab onigpa
udite amu nug humitak daijaja oijat! Hosi-
ana atan ta daijat!

Daugbatak: Ig Mamenig, na hab atan da-
tem, na onin gun daijat, nahip kobol udiat,
na otpa keke hab daub dabmenana heteb,
amubia wan adi ele dabmenana heig, e
megtem amu gemu ele meke, hipunin ihinig
na daun atiat, am' la ig hipunin megteb
amu dilag hipunin ig ele daunig atiku, aib
omaigpe bedu metakpa omut, nau mua ele
bedunig uhubike! Hab wan ele oh nahipad,
hanhan na binan ele dakut.

Tamaniak Bag: Amen.

Daugbatak: Ihinig Nadi Jesus Kristus, H.C. Institut
nug tuban la nug dimug man amu, nug haplan aowan, nug ena heme anana, nug haplan pana nug bekod bahia mata anan: Ag aon' laig, imu da bedul; nug amu ahilagnu matom, ag dahil olag maitebeb anam heig!

Amubia ag E amu lana malaag, nug hai aowan, nug ena heme anana, nug amu ag bahia mata anan: Ag oh imupanu laig, hai imu da til tituanak baupanu; nug amu ahilagnu la kudumnu ele gokadom, hipunin uhubadkunu. Ag anam lanana, dahil olag maitebeb anam heig!

Daugbatak: Jesus anan: Na aon' la, imu da bedul; nug nahipnu metom.

Jesus anan: Na aon' la, imu da til tituanak baupanu, nahip hipunin uhubidkunu.

Jesus nug bedu tig ele ag olagpa tutuku dona bauklel aoglagnu nug ehanadte. Ag Tibud nuhig madot aon' oijeg! Amen.

Unubitak: O Tibud Nadi, na nahip balalpanu ig dotonig E makae lamut ena datem; amunu ig na onin dit' binan metem. Nahip o-mak ihinignu date, amunu ig na unubidtem: Na ig ehanike, am' amu ig onig nahipnab genab dodta dagnig, ig oh ele nug odoiheb doiheb dagnig. Jesus Kristus na bekat, ihinig Nadi, nug onigpa ig na unubidtem, nug na Hagouti ele, na Tibud laipu, hanhan humak datem. Amen.

Daugbatak: Nadinab heb ag itateb, nug ag ena atognoatebeb oijeg! Nadinab nug idu ag bedulag honatebeb oipeg, nug ag ena anatebeb oijeg! Nadinab nug idu huma ag badelagpa mama, nug ag madot mateb oijeg!

Tamaniak Bag: Amen.

Boumaknu Nai

Daugbatak: Tibud onigpa, nug Beka onigpa, Hagouti onigpa ig iku dig metem. Amen.

Tamaniak Ahi:

Nai Matiak:

Daugbatak: Nadi nug inam aowa ate: "Da iku am' hibaitak dig bauklel dig ele datem. La nug dahil opa genab doidku, nug mauha bau daku. La nug bau daijaja dahil opa genab doidku, nug inab mauhma.

Genab genab, da ag amelagpa atem: La nug nai dahil doiya, am' la nug he da udimi amu ele opa genab dote amu nug hanhan bau dakunu bauklel ele date, am' nug hetodiakpa idama, nug mauhak uwa bauklel aowom date."

Tibud nug nug geha ipa mauhom nite ig mekan. Tibud nug nug eduwa adika aowom. Tibud nug onig binag ele daijat!

Tibud nug o he ig lainig dotog aowom amu dodta ig nug bedu wanpa metem: Wan amu wan meku, uhut amu uhut meku, gapud amu gapud meku amunu. Ig imu hetata inam onig genab maitete datem: Ihi-nig Nadi Jesus Kristus, nug keke oh hak doiya aota aote ele amu, nug heb, nug motpa hibaitan bia, ig bedunig ele motpa hi-paidku.

Ig unubidtu: O Nadinab Jesus Kristus, na butiati danab ah nid oh, la hanhan mua don' daglagnu, la hanhan bau ena daglag-nu toliadkut amu, ig na unubidtem: Na ihi-nig ot doiyebeb hepe ig butiati motpa hi-paidta bauklel aoput na ele hanhan ena dat' oitu. Amen.

Tamaniak Elele: Ig Mamenig, na hab atan datem.....hanhan na binan ele dakut. Amen.

Metid Det Ahi

1. *Bağ: Dir, dir Jehovah, will ich*

1. Jehowa nahip det udiom,
det am' metid udat genab umut.
Na anuka det hag memede;
gemu ig det hage bau la metem.
Kobol genab iku udiomde,
nai ena abab tuale ukom.

2. Jehowa na binan humagnig,
Tibudnab da na olpa dotemde.
Da dotol ena na medakul,
ena aowe aib uidme doiye,
O da mamel, da nanabe bekat,
anam doiye da ol ena mete.

3. O Jawe na naka ame, am'
danab ena doig padalmak am' uweg!
Ag atem' da dimetan oiteb
dahil nid am' nai enanag uteb?
Ag anam hegeg, da ol nauhete,
donna donna ag oh ol matami.

Mui

2. *Bağ: Buramağ dilağ*

1. O nug ete, ig ohnab
gota adi ig gotu
nuhig nai dognignu.
O ete ete ig ohnab
gota adi ig gotu.

2. O ahege ahan' doig,
nokunig nuhig tempel
gun laka gokunig.
Ahan' ahan' doig adi
nuhig tempel gun laka.

3. O Tibud nug hagnabe
nug mekom nuhig naie;

Tibud nug hagnabe
 nug mekom nuhig naie;
 Tibud nuge hagnabe.

4. O gamag ahak Tibud,
 ebehin ig meke e;
 gamag ahak Tibud,
 ebehin ig meke,
 gamag ahak Tibud na.

Jod 1—3, Mui 4

3. *Bağ: Kate dilağ*

1. Mame na nai nahip
 ena ige dognig.
 O nau imu oitut,
 nai nahip udia onig babaitom.
 Jesus inam dope,
 ig ele dadta,
 ehanitak ibnu toligpe anidtu.
 /: O Hagouti inam nena
 onig imu babaite:/
 Jesus hab atannu nena udinna
 onigpa nomede lainige.

Madot

4. *Bağ: Wie schoen leuchtet der*

1. O Jehowa na hab datem,
 na ige oh mamenige,
 ige ena anike!
 Ig ohënab iku bemut,
 Nai nahipnu het' udimut.
 Ig anam aut' na dotem.
 Ige onig na uhubna
 od matulna bau opatpe!
 Nai nahip ena nokunu!

2. O Jesus, Jehowa beka,
 na la laial nadi ena,

da na binan mein' datem.
 Nai nahip ena da aotem.
 Satan kobol da wadetem
 naka nahip ol date.
 Jesus doiye! Da na aiten'
 na binan ahi edakul.
 Jesus nahipnu ol gate.

Fr. Schuetz

5. *Bag: Liebster Jesu*

1. O Jesus, ige imu
 iku bage meta datem.
 Nai nahip itag ele
 aije ige ena aotem.
 Amu ige dotonige
 oh nagatopa tekunig.

2. Keke ena idotem,
 amu ige nau oitem.
 Satan bupuigete;
 nai nuhige ige utem.
 Na ige ele oiput
 Satan dimeka oiku.

3. Laial Jesus da epel
 na adape en' oitu!
 Da daka padal-mepa
 amun' na da ele datu!
 Ipa da ele oidta
 habe atan ena tekul.

Fr. Schuetz

6. *Bag: So nimm denn meinê Haende*

1. Nai ena daulpa domi, o nai ena!
 Nai dige iku aomi, o Jehowa.
 Ititak en' da meidna, o na hepe
 nahip nai olpa daijat, Tibud beka!

2. Jesus, da laial ena, Tibud beka,
na da ele oitep, imu ena!
Wanpa iku oitem, o Jesus na
ititak ena meite, imu ena.

Fr. Schuetz

7. *Bağ: Liebster Jesu*

1. O Jehowa, nai nahip
ige daunigepa domut.
Onige gamanite,
amu matu ena damut.
Nai nahip omalt' oitem,
amu ige ena datem.

2. Tatam ititak ena
ige datem ohe meike!
Na epen bahin' daije!
Ib ib |na ena omaike!
Na ige ele oidta,
amu padal-imemata.

Fr. Schuetz

Nadinu Binag-Mak

8. *Bağ: Nun danket alle Gott*

1. Jehowa hab date;
nug lauge atan date.
Nadi danab ita;
Tibud nadi enade.
Anukannab datan,
butiati daku.
Danab am' mauhtebe;
Nadi nug imauhte.

2. Jehowa hab date;
nug lauge atan date.
Imu Tibud nadi:

danab ah nuge hatan,
 hab atan nug ha man,
 wan babaita malan,
 ju amu nuge han,
 Jehowa Tibude.

3. Jehowa hab date;
 nug lauge atan date.
 Jehowa da mamel,
 danab oh nuhikude.
 Dotol da ha metan,
 outil dahil imu,
 amel ele metan,
 Jehowa da mamel.

Fr. Schuetz

9. *Bağ: Lobe den Herren*

1. Tibud binage meig
 nug humitaknab date!
 Tibud binage mena
 ena ahi etege!
 Im' antege!
 Tibud itaika nete.
 Danab olagepa dote.

2. Tibud binage meig
 nug humitaknab date!
 Tibud binage mena
 ena ahi etege!
 Tibud nuge
 hipunin danab ele
 laikud ena dagelage.

Fr. Schuetz

10. *Bağ: Grosser Gott wir loben dich*

1. O Jehowa, ihinig Nadi,
 na binan metata datem.
 Hab daub, wan adi age ele

na nompā dub non' hetebe.
 Na anukan daijen amu
 na hanhan aletnab dakutde.

2. Na bekankad atenkad ele,
 na ahan italadna daije!
 Na omaladna ena hepe
 am' keketalkad iabamna.
 Butiati apanpa tena
 bauklel aon' hanhan bau daijege!

3. Abab danab hab nid ele
 na binan human' hetebe.
 Bauklel daub atannu ele
 na binan nadi metebe.
 Amu ige oh ele
 na binan mekunige.

Fr. Schuetz

11. *Bag: Weisst du wieviel Sternlein*

1. Ne hodopai ohon' dateb,
 na doijadtemte, ne?
 Lombig gane oitebe,
 na doijadtemte, ne?
 Tibud ebaba doijadtom,
 laipunab la itipalom.
 Age ohe ohenabe
 nug doijadta malom.

2. Ne kakai am' gane jupa
 dan' ena oitebe?
 Ai atupa gane dateb,
 na doijadtemte, ne?
 Tibud ebaba doijadtom,
 laipunab la itipalom.
 Age ohe ohenabe
 nug doijadta malom.

3. Nidahin nid naunau gane
 wanpa danna oitebe?
 Ne epulag amu aunnab

hanhan ena madete?
 Tibud ebaba doiijatata
 ag epulag hanhan madete.
 Age ohe ohenabe
 nug doijadta malom.

Fr. Schuetz

12. *Bag: Es ist das Heil uns*

1. Okai ahi binag ele
 ena dige mamege!
 Am' Tibud nug kobol ele!
 Am' Tibud nug nuhige
 omak ena ol ituwe
 gaije gaije da ol mete.
 Tibud binage meige!

2. Hab daub ag amu ohnabe
 nahip wan jan' metebe.
 La wan, atan, jupa ele
 nahip logopa oitebe:
 Nahip kobol ebehi am'
 ena humanna datebe.
 Tibud binage meige!

3. Tibud keke hatan amu
 nug dab-madata date.
 Nug hanhan odoijakp' amu
 hekun' o mama date.
 Nuhig kobol udat ele
 tutuku ena datepde.
 Tibud binage meige!

4. Nadinab nuhikud adi
 nug inab wata date.
 Amegemak ahilage,
 Itatak, Madot date.
 Am' Odoijak ahilage,
 bedulage uhubatak.
 Tibud binage meige!

5. La Krist onige ditebe,
 Tibud binage meige!
 Nuhig kobol maditebe,
 Tibud binage meige!
 Tibud la ohnab hambupuak,
 Nadi Tibud, Nadi Tibud!
 Don' nug binage meige!

6. Ahana, age akude,
 nug nobpa don' daijege!
 Ahana, age nug onig
 am' dina ahi etege!
 Nug wan adi hab daub ele
 ena hatan am' datebe.
 Tibud binage meige!

Fr. Schuetz

Unubitaknu

13.

1. Tibud na amenpa aum:
 Da na mamen daijeje oikul.
 Na nug amegepa aon' a:
 Da na bekat daijeje oikul.

G. Hueter

14. *Nid nakok dilaḡ unubitak ahi*

1. Tibud nadi, na da anide,
 sul nakok imupanu,
 atu atu honada goku
 binan aha gote.

2. Tibud nadi, na da anide,
 hadag bia anide,
 at opanu ena bekude
 amen bebeb daije.

3. Tibud nadi, na da anide,
 da onil ahi bia,
 la kudumnab humidnan' oipeg,

da Jesus el' dagnih.

4. Kudumnab oh ebehi ita,
ebehi na dal' mete;
da nakoknab imu da dotem,
Jesus dahil nadi.

5. La Jesusnu binag metebde,
la ag da doidtebde,
Jesus nug do, hanhan da medte,
da nuhignab datem.

Gal

15. *Bağ: Bot-bot*

1. O o Mame na nakanabe
na hetianabe hetian ele datemde,
na keke oh hekutnu don' datem;
amunu ige na aku oninpa etem, imu na
ige banige don' daije.

2. O o Nadi na, Hagouti nahip
amu hepe, na ige ohnabe
ena agika humikebebe,
na ige ena ehanigpepe,
nahipnu udat hetat' oignige.

3. Am' la ameg iantom date,
am' la daugpa idoijom date,
am' la opa ibeum date;
kobil keke amu Tibud nug nuka
age madakunu babaitomde.

Nai Lamkoh ele

16. *Bağ: Danab dilağ*

1. Mame na idi Mamo,
da doin' bein' datem;
hul da epelpa hume,
iku na oninpa etem,
na da odelpa daije,
amenpa dub noi atem:

Hul amotna bailpa hume.

2. Idi imu e e Mamo,
gatatu imu nau nite,
donna oujupe oiye,
na amu hekutnu dotem;
amunu iku amenpa atem:
Mame, na don' don' daije,
da atem imu daun aib atiom!

3. Otot jumanu atemde,
hul da bedulpa hume,
ol hik bemanu atem:
O Jesus, na oujuna,
hul amotna nolpa hume,
amel leh nene gatem;
hul hebol laihlaih humape daijat.

Mui

17. *Bağ: So nimm denn meine Haende*

1. Na da epel adana omaidpepe
amu da ibe wanpa ena ukei!

Da daka-ib oiyeje padal-metem.

Na da ele oidta, ena gotem.

2. Hab ab ena da aokul, o ib ena
atem hein' anten' dokul? O Jehowa,
ib na naka ipunidpe anten' ukei!

Na da ihuhuidpe, ena gokul.

Fr. Schuetz

18. *Bağ: Jesu, geh voran*

1. O Jesus ahan'
na anubepe

amu ige dimlamidta

na ipun ena tabaput

Mame abp' amu

aigepe gotu!

2. Mua haen bebe
ig ehanike!
Bage-betak det amupa
onige nauhehe damta.
Mauhak amupa
hab atan tetem.

3. Ig ipunige
hanhan otnana,
ib ehet la na omaigna
ig ena bahi ibape
oidta hab abpa
matulta datu!

Fr. Schuetz

19. *Bağ: Danab dilağ*

1. O Nadi o o Tibud na,
da imu o wan danabnab,
nahip nai da aomide,
na hepe da imu o
nahipnab daije meteo.

2. O aowai Jesus na,
na donna da dud iwe
hipunin nug da guidtede;
na epen da mete o
na ebehin da mete o.

3. Mamenig, wan imu o o
mua ele anankude o,
na hepe Hagouti nug
ib amu o ipunikat o o
amupa dadta o'tu o.

4. Tibud laipu o o,
binag laipu o o,
binag atan tekku o
hanhan dakunu o o
hanhan dakunu o o.

Loh

20. *Bağ: Old Hundred*

1. Tibud ititak megete,
 amu binag metat' datu!
 Ige danab ah wanpanu,
 Engel daub atannu ele. Amen.

G. Hueter

Jesus Udikunu Haen
21. *Bağ: Hosiana, gelobet sei*

1. Hosiana, Tibud beka an' neku!
 Nug ipa neku. Hosian' atan tekku!
 Nug onig enanag date.
 Nug onig binag elede.
 Hosiana! Hosiana!
 Hosian' atan tekku!
 Hosian' atan tekku!

Fr. Schuetz

22. *Bağ: Macht hoch die Tuer*

1. Ol obate na ib ode
 binag ele uditade;
 atu atu nuka nuhig,
 abab danab ah nuhigibde;
 nug bau meunab aowa nete,
 ol itag be ol itag be.
 Nadinab dahile,
 na dahil do mete.

2. O madot nag, da oul neme
 madot aona udimede;
 oijom am' ig oh dotemde,
 nug enub ita ig anidmut,
 ig hik ibom uhubikom,
 binag humeg jalag bebe.

Nadinab dahile,
bedul uhubmede.

3. Abab atu ena nite
Jesus iki meum datede.
O danab oh ag Kiris ohnab
olagpa men' genab doijeg:
Ig Jesusnu itag ibeb
amunu gumita dotu.
Nadinab dahile,
na dahilnab do e.

4. Ol obate na ib ode
na ot ele bala mete;
na ot hibin ena bake
bala men' otgamag ahat;
nug gumita udiomde,
binag human' laiam bate.
Nadinab dahile,
na dahil do neme.

5. Jesus Kristus uditede,
ot opatna kolan' mete;
ot metan' na nug nobpa wa,
udanpa hul huma daijeb;
Hagouti nug omaikebe
hanhannu ig ipunigte.
Nadinab dahile,
gumigna inam do.

Mui

23. Bag: Kanam

1. Ol od matule, ol ib babaite,
binag ele uditede;
nug bauklel meu auwa na,
abab madakunu uditede;
ol od matule, ol ib babaite.

2. Ol od matule, ol ib bala mete,
dahil Nadi dagatoipa uditede;
ol itag heb,

hibin bala ena bukan';
ol od matule, ol ib bala mete.

3. Ol od matule, ol ib babaite,
danab tutuku madot udia,
dakunu ena bapaidna,
binag ena humakut uditede;
ol od matule, ol od babaite.

4. Ol od matule, ol ib babaite,
am' Jesus do meta uditede;
ahan laiam bate,
gumita doku netedo;
ol od matule, ol ib babaite.

Pah

Jesusnu Menuak Det

24. *Bağ: Vom Himmel hoch*

1. Det gemu Jehowa heum.
Atu atu danab ah oh
Tibud nuhig kobol donna
binag menana datebe.

2. Tibudnu haen ab ohenab
amege men' dadtapige.
Daegege Tibud aha
he nug beka igatop' nan.

3. Kobol am' ol imaidete,
dotol dahil toedate
Amu Tibud unubidtem,
binage mein' ahi edtem.

4. Det gemu Jehowa heum.
Atu atu danab ah oh
Tibud nuhig kobol donna
binag menana datebe.

Fr. Schuetz

25. *Bag: Vom Himmel hoch*

1. Hab ab atannu da nemi,
nai ena da aowe nemi:
Nai genabnab itag ele,
age ahi etagelage.

2. O gemu nid igatop' doum,
am' ah makun nug menuom.
Nug nid nakok enanagnab,
age ahi etagelage.

3. Nid imu onige Jesus Krist,
ahilage Tibud nadi;
gemu nug age lailage,
age ahi etagelage.

4. Ititak en' aowa nete,
Mame Tibud bapaigete.
Am' age ige oh ele
hab ab atan ena dagenig.

Fr. Schuetz

26. *Bag: O du froehliche*

1. Ol enanage, ol itage bat!
Jesusnu det gemu beum!
Wan padal-mekun' hehe
Jesus Kristus menuan.
Ol ena, ol ena itage bat!

2. Ol enanage, ol itage bat!
Jesusnu det gemu beum.
Nug matu hab daijan,
gemu wan ipa neum.
Ol ena, ol ena itage bat.

3. Ol enanage, ol itage bat!
Jesusnu det gemu beum.
Jesus, King nadinabe,
na nain ige dognige.
Ol ena, ol ena itage bat.

Fr. Schuetz

27. *Bag: Warum sollt ich mich denn graemen?*

1. Ol gamag ahehe datem,
 haen gemu, det imu
 Engel age ohe
 en' ahi etana dateb.
 Am' imu edeteb:
 Kristus menuomde!

2. Tibud nag tula nan date,
 nug imu wan onap
 en' igatop' nande.
 Wan adi uhubikunu
 amunu gemu nug
 wan ipa neumde.

3. Tibud ig gedika dalo
 nug beka, odoijak
 amu imekalo.
 Bage-betakpa bagaitak
 damtanu, nag aku
 gemu ig megaku

4. Nug tadatpa iku nite,
 age oh bage don'
 dab-menan' daijege!
 Keke mua ele amunu
 nob ena, ubuhi
 baulija madaku.

5. O danab ah nid gamalad
 aibe un' dapige!
 Age inam doige!
 La ihinige o dote,
 nug amu bau gemu
 olag oh metege!

Fr. Schuetz

28. *Bag: Ihr Kinderlein kommet*

1. Nid naunau o dona, — paha doige!
 Am' Betlehem abpa kobol antege!

Tibud nug tuban im' atem la heum,
Ig onig gamage ahakun' hete.

2. Tadat opa nide nakok nitede.
Nid imu Jesus, age don' antege!
Nug Tibud beka am' igatop' neum,
ag donna itage abakun' heum.

3. O nid, na atannu ena anigna,
na onigepa nona anam danna;
am' hag ena meigena itigepe,
amu na ele ena dat' oitu!

Fr. Schuetz.

29. *Bag: Stille Nacht*

1. Tuban ena
hag ele!
Danab oh
nitebe.
Josef Maria a aja
Betlehem abpa dot laulagpa
habe nid ele
apa datebe.

2. Tuban ena
hag ele!
Engel daup
am' dilag
Haleluja gumita danab
nai ena imu a dotebe:
Jesus menuom date!
Ag ena dagenige.

3. Tuban ena
hag ele!
Jesus, lai,
na naka
hab atannu ena nena
ige oh ena anigetem.
Nahip menuak detpa
na binan metem.

G. Hueter

30. *Bag; Danab dilağ*

1. O Sion nido
O Sion a Sion nido,
Tibud bekanab
me na wanpa udiomde.

2. O lailado o e
Sion nid lainigo
Jesusnu detpa
gemu hul amahaltede.

3. Sion nido
O Sion a Sion nido,
Dafid abenpa
amahlak enanag udiomde.

4. O lailado o e
Sion nid lainigo,
Jesusnu hul na
wanpa honada amahlomde.

5. O Sion nido
O Sion a Sion nido,
dot laulag opanu
amahlak nadi ahomde.

6. O lailado
O Sion nid lainigo,
Betlehem abpanu
amahlak atu toalomde.

Bedom

31. *Bag; Danab dilağ*

1. O nido e o,
det gemu Nadinab heum datedo,
ag oh ahapege itag ibato.

O nido e o a
ahapeg Tibud binag humaput
atan ta daijato.

2. O nid lailado,
ig nau daut' anika hetedo o,

ag oh ahapege opa datu.
 O nid lailado a
 genab gemu iku ena ha
 mekomde o nido.

3. O nid lailado,
 Nadinab ate, o nalad
 ipa dagatolpa doig adi.
 O nid lailado a
 ahilag nau mua amu
 da aotemde o nido.

4. O nid genabde,
 odoi jak nadi italob,
 matunab ig padal-melomdo.
 O nid genabdo a
 Jehowa nug ena hehe
 ig ena dat' oitemde.

Nai Lamkoh ele

32. *Bağ: When I survey*

1. Det gemu Jesus nuhig neumde,
 danab ah oh nid nidahin,
 olag metan' daulag human'
 dapeg mehuba ab dotu.

2. Nuhig menuak det imupa
 ig uhubigtete, ag oh
 ahapeg ig binag humat',
 dotonig oh nug medatu.

Jod Kodi ele

Maat Bau Ahi

33. *Bağ: Maniwa*

1. Kristus nug da bedul bia
 Jehowa bekanab bauklel nido
 wan imupa neumde,

wan danab hab kobol
ipunadkunu neumde.

2. O danab ah oh doijeg,
maat bau imu Kristus nug
baulija mekomdo,
bauklel ib anidta onig itag bato,
onig ohe maat bau imupa otu o.

3. O nid lailado doiwego,
Jesus Kristus Tibud meunabo.
O Nid lailad doiwego,
Jesus Kristus danab dilag meunabo.
O nid lailad doiwego.

Kodi

Jesusnu Bag-Betak Haen.

34. *Bag: Jesu, meines Lebens Leben*

1. Abab danab ah elede,
ipa dona antege!
Age lailag Nadi Jesus
la nadi makudpige.
Age baig epeg atulna
ademaitakpa bepige.
Nug bedu guidete
anam haha mauhomde.

2. Auntai na bedun makudom?
Laial Jesus, aun heum?
Auntai na bedun he nauhom?
Laial Jesus, aun heum?
Na anam nau ioime,
hamu manin dan' oime.
Keke nau hipunin am'
otpa hanhan idaijom.

3. O Jesus, dahil hipunin
na anam makudidtom.
Da imu, dahil hipunin

he nadi bakaideme.
 Amupa bedun guitom,
 amupa da nauhak dame,
 oulpa mauhak iume,
 wan jan' mete, ol meum.

4. Laial Jesus, o laial da
 na binan mekul hetem.
 Laial Jesus, o imupa
 na da oulpa mauhme:
 Da nau dapade amunu,
 da padal-mepa amunu,
 o Jesus, na mauhme,
 am' doiijeje datemde.

Fr. Schuetz

35. *Bağ: O Lamm Gottes*

1. Tibud meme nag Jesus,
 na ademaitakpa mauhen.

Kaige netana hege
 nob la ita, hamu mauhen.

Hipunin ohe kukuen.

Italob atem dalam?

Na ot doiije, o lai Jesus!

2. Tibud meme nag Jesus,
 na ademaitakpa mauhen.

La na gedidna hege
 hanhan bodoetak daijen.

Hipunin ohe kukuen.

Italob atem dalam?

Na ot doiije, o lai Jesus!

3. Tibud meme nag Jesus,
 na ademaitakpa mauhen.

Kaige netana hege

Nob la ita, hamu mauhen.

Hipunin ohe kukuen.

Italob atem dalam?

Madotan meke, o Jesus!

Fr. Schuetz

36. *Bag: Marter Christi*

1. O Jesus, aun la na daug atiku?
 Napa nug pahaetom.
 Odoi jak ju, aun la mutui meku?
 Aun nahip o idaijom?
 Da dotol imupa en' agite!
 Da daul nai imuib ena doi jat!
 Detdet na idun amu
 amelpa tula doku.

2. Laial Jesus, en' wan jan' metame.
 Olpa na binan metem.
 Ige gade ounige amupa
 na guitak nau aowen.
 Hepe ige napaibe dadta
 anam janige bebe oidta
 na atan anideta
 na binan humagnige.

3. Do dotol hipuninpa katidak
 gaia ihinpa ote.
 Odoi jak doko abenpaibe
 nug madot en' aotede.
 Ad atannu na da en' anide!
 Ad atan apan' ehanidede!
 Ipan' da oi je oi je
 hab abpa tulen' tekul.

4. Ige iku bage-meta dadta
 tituantata hetem.
 Na guitak dome, amu dodta
 onige nahip date.
 Hetem imu otpa ena donna
 ag ena hena meitebe, aon' a!
 Amu oubak bau la a:
 Ag madot men' oi jege!

Fr. Schuetz

37. *Bag: Herzlich tut mich verlangen*

1. O ikin tin netede
guitaknab dotem,
tatap baunnu anidte n
la aun aun nidapig?
Matu na enanage
humitak dan' oime,
geha geditak datem,
o da na mahidtem.

2. Ohnab amu na maome
dahil hipunin am,
nau na gukanpa aome
da bedulpa niom.
Ante, bagaitak daib
geditaknu elel,
o odoijak dahil na
nahip otmak mete.

3. Gupit dahil na daije
ena ehanide;
mauhak mua ele beb,
epen bahin mepe;
idun bag-betakpa am'
anitena dokul,
am' mauhak ibadapa
aben anig gokul.

R. Inselmann

38. *Bag: O nid lailad.*

1. O nido lailado, o nido e lailado
padal-mekunignu malata dautut,
Tibud nadi nug aha, nuhig bekanab
ounignu ada be mauhom.

2. O danab ah ele, o nido e nidahin
inam dopeg anidta dotu,
Golgata upa amenig ukeb
Jesus anidtu.

3. Dotonig ele, bedunig ele, onig ele,
amenig ohe gatta dotu,
Tibud beka ihinig ha
nuhig bedu iauwa daijom.

4. Nug amu ihinig o nauhe gaiaja
mameg Tibud unubita anan:
Da udat iku malami, anam anan'
unubita niom.

5. Amunu ig oh onigpa atemtaide
o nido e ahapege hu jat,
hinodnod bianabe nadinab Jesus
baig aot' gotu.

6. O danab ah ele doijege: genabe,
mauhompa uhubika meikom.
Wagai la odepanu behika ona
enapa meikom.

Pah

39. *Bağ: Hilin*

1. O aowai Jesus o,
dahil hipunin
naib aon' gomedo.

2. O aowai Jesus o,
Golgota bidapa damedo,
o lai Jesus o.

3. Dahil hipunin auntai
itado, naib na maomedo,
o lai Jesus o.

Mui

40. *Bağ: Christe, du Lamm Gottes*

1. Tibud belelek nag,
wan oh hipunin kukuen,
ihinig ot doije.

2. Tibud belelek nag,
wan oh hipunin kukuen,

ihinig ot doiye.

3. Tibud belelek nag,
wan oh hipunin kukuen,
nahip madot meke. Amen.

R. Inselmann

Jesusnu Motpa Hibaitak Det

41. *Bağ: Ostern, Ostern, Fruehlings....*

1. Ostern, Ostern, det enade!

Ostern, Ostern, det nadide!

Jesus motpa inijom.

Motpa nuge hibaitom.

Danab, ahe, nide ohe,

nai amu don' don' daijege!

Jesus motpa inijom.

Jesus motpa hibaitom.

2. Jesus, da laial, bau date.

Amun' ol dahil enade.

Mauhak keke ibadtem.

Ena wanpa oitem.

Butiati da mauhena

hanhan motpa inipa.

Jesus da matedaku.

Habe atan tein' gokul.

Fr. Schuetz

42. *Bağ: Es ist das Heil*

1. O mauhak, na baun adepa?

Mot, na ditian adepa?

Satan nug gai ita date;

wagai nuhig ibadamta,

Tibud nug ena ha malom

nug beka laipunab mekom,

nug ban ebehi ele.

2. Jesus ban haknu udije,
mat nau wagai gagatak han;
kobol hagenpa am' doijom,
ditiag amun' iaowon.

Mat nug baig bitub jatomde
amu nug binag iaowom,
nug iki aoda nite.

3. Jesus motpa bau hibaitom,
padalmak ab hahadete.

Jesus ebehiud ele
nug hab ib bau la matulom;
amunu ig binag metu:
Na ena hen' mekam', atu,
bauklel ihinig date.

R. Inselmann

43. *Bağ: Jesu, meines Lebens Leben*

1. Nid adit olah ug ele
Emmaus abpa gotep,
amelahe lep nenede,
olah amu gaijede,
nai ug ele olah maidtep,
Jesus motpa mauhom nite.
Jesus motpa hibaitom
amu olah imaitom.

2. Gemu ele danab ahe
kudum ug ele oiteb,
wan nuhig mua amunu
olag maidna gan' dateb.
Adinu amu hen' oiteb?
Jesus bau hibaita date!
Nugnu ot genab dope,
nug heb ot itag nitat.

3. Jesus nid adit amu o
tul' ona nai uhubom;
amubia nug da ele
ib ena ipunidom.

Da matu eheth oimi,
Satan nug epegpa dami,
Jesus nug da o doijom,
da bedul pahaetom.

R. Inselmann

44. *Bağ: Danab dilağ*

1. Jesus hibaitom,
det imu Ostern det;
amupa hibaita hab atan teumdo.
Ig ele gotu adi.

2. Amunu bedunig
onig ohnab Jesus bialob,
hab atan telomdo,
Jesus anidlom.

3. Amunu bedunig
awaitta kihuta kudnab meta
hab atan tekunigdo,
Jesus aigku.

4. Jesus atedo e,
danab doigo e ipul tapego e;
anam atedo,
danab ah doigo.

Nail

45. *Bağ: Meinen Jesum lass*

1. Jesus bau ena date,
da olpanab am' doiijeje;
amun' da inab badtem,
da mauhak inabe upa.
Jesus nug iuidom
amu' da ena dotem.

2. Jesus bau ena date,
amu da ele bau datem;
hab atan da omaideb
nuhig Paradis anidkul.

Mauhak am' da idopa,
Jesus nug anam hande.

3. Jesus bau ena date,
nug da olpa amu jomde;
nug epel bagpa adom,
amun' Satan da padailom.
Da olpa ena date
hab atan da dokulde.

4. Jesus bau ena date,
nug nuhig keke kobolpa,
am' doiye gamal ahte,
da geha amu anidkul.
Hanhhan Jesus el' dagnih,
nug da daugpa dokude.

5. Jesus bau ena date,
hagnab nug nuhig kobolpa;
da geha hag meidkude,
wanpa eheth hein' oidtami.
Jesus dahil hipunin,
dotem, genab opiom.

Mui

Hagoutinu Ahi

46. *Bağ: Wie schoen leuchtet der*

1. Hagouti na inam nena
onigepa en' dan' hepe
ig am' na launnab datu!
O Hab Amahlak na hepe
onigepa honatak na
ebihin ena mekat.
Amu ige na bedunpa
na ele ena oidta,
amu padal—imemata.

2. Na ige ena ou-iban'
hanhan ena ehanigna

na ib ena omaike!
 Mua haen bebe na ahan'
 hepe ig oh gagatago
 ena tutuku datu!
 Anam ena het' oidta
 wan am' uta ib amupa
 hab atan ena tulatu!

Fr. Schuetz

47. *Bag: Herr Jesu Christ, dich zu uns wend*

1. Tibud Outi, Kristnu ele
 bauklel ib am' ipunigte,
 gatatu wanpa nau nite
 amahlele ita mete.

2. O Outi, na atu atu
 iwalnana gotem amu,
 o Hul, na hul ditin' hena
 ig onig ena amahle!

3. Ahan' dona, Hul OdoiJak,
 hepe nahip amahlakde
 gatatupan' omaikebe
 am tugeteta oitu!

4. Ipanu keke wan gapud
 gatatu el' akuibe.
 Hul Bauklel ianidelom
 am' nauhak, mauhakib dalo.

5. Hul Bauklel, amu atannu
 wanpa onap tula neum.
 Danab olagepa na he,
 itag abebe oitebe.

6. Tibud Outi, Kristnu ele
 he ig ena unubidtem.
 Am' Tibudnu da genabnab
 ol maitete oitemde.

7. Tibud Madot hagnab ele
 da olpa nona en' daije!
 O Hageouti da oul ben'
 ebehin ena dal' mete!

8. Am da amahlak nid bia
 ena na nompa oikul.
 Anam oiije tein' am' tein'
 da hab atan tulen tekul.

Fr. Schuetz

48. *Bag: O heiliger Geist, o heiliger Gott*

1. O Hagouti na, Tibud genabnab,
 hanhan na ig ouibatam,
 Jawe Jesus meiteh udime,
 amunu na wanpa neme,
 O Hagouti na, Tibud genabnab.

2. O Hagouti na, Tibud genabnab,
 nahip nai matit' oignignu,
 hepe nug nug mauhta oitu
 danab ah oh ele amu,
 O Hagouti na, Tibud genabnab.

3. O Hagouti na, Tibud genabnab,
 onig genab doijak meke;
 hamu ig Kristus idomta,
 na naka dig ipunitak,
 O Hagouti na, Tibud genabnab.

4. O Hagouti na, Tibud genabnab,
 nahip nai amahaligte,
 mamenig ige dognignu,
 nug beka laipunab ele,
 O Hagouti na, Tibud genabnab.

5. O Hagouti na, Tibud genabnab,
 hab od na ig ipunigtem,
 ig ipa ban ena heta,
 bauklel aognig ehanike,
 O Hagouti na, Tibud genabnab.

6. O Hagouti na, Tibud genabnab,
 Mauhak detpa na ot meke,
 amu hab abpa tekunig,
 hanhan binan humak daku,
 O Hagouti na, Tibud genabnab.

R. Inselmann

Nid Nakoknu Laitak

49. *Bağ: Liebster Jesu*

1. O Jesus, ige imu
iku bage-meta datem.

Nid imu ig aot' ota
na metagenige hetem.

Nug geha laitak amupa
hab kobol enanag aoku.

2. OdoiJak, na nid imu
ena atognona daije!

Nug na en' doidkunu
nug dotog ena babaite!

Wan imupa oihebobe
na omalpe ena oijat!

3. Nid im' ena anidme
amu dot' gamanit' datem.

Onigpa unubidtem;

imu don' na hena meke:

Nid onig geha metamut,
bauklel bukpa jape daijat!

Fr. Schuetz

Hag Tuban E Lanak Ahi

50. *Bağ: Schmuecke dich, o liebe Seele*

1. O dotol bala ena me!
Jesus nagatop' udite.

Hipunin ilonpan' bena
am' amahlakpa en' daije!

Nahip OdoiJak nadide
nug nahipnu ha etede.

La nug hab binag ele
do nahip udiku hete.

2. Nug dotognu e imupa
 na geha gumit' udiku.
 Otpa genab donna daije!
 Lanu aibe otpa maitom!
 Na ehanidnana dape
 nug na dud jaga medaku.
 E imu bau dokutnu
 nug nahip donab udiku.

3. Jesus, na dahil do aku,
 hab epu ena metame.
 Da haplan lami amupa
 hai ele lami amupa
 da nahip doiije daiji
 tin bedun ele metame.
 Golgata abenpa na
 ol uhubak en' metame.

4. Ol dahil nahipnu gate.
 Da dotol dapunpun date.
 Na eput ena lakulnu
 ol gaiaja date aku.
 Tin lakulnu bal dijede
 o Jesus, na anam doiije!
 Wain haplan lapi hepe
 i en' ohotata datu!

5. Jesus, bauklel haplan genab
 e imu hamu lapanu
 lainne nob huainne aopa
 na ihuhuidna daije!
 Da dotolnu e imupa
 nahip odoijak doijena
 wan ipa lami bia,
 bau atan lakul ol date.

Fr. Schuetz. G. Hueter.

51. *Bağ: Muluḡ*

1. Aben imu Tibud nuka kalowa,
 nuhige bau ena daijaknu
 gokata meum.

2. Da udimi hage lakulnu
olpanab nahip etemde,
o Jesus na.

3. Hage bau imu lakulde
olpanab nahip doijena
iku domide

4. Da bedul ab ele domide;
Jesus na dotol hahata
padal-memade.

5. O dotol hage bau imu
lawona bedun togueb
Jesus mapidte.

6. Kristus nug tig toguak
dahilnu Golgata
bida gokadom.

Pah

Jesusnu Ahi

52. *Bag: Gott ist die Liebe*

1. Jesus na ena, Tibudnu nide,
Jesus na nadi, laial dahil.
Da la api doije:
Jesus na ena, Jesus na nadi,
laial dahil.

2. Jesus na ena, na habe datem,
Jesus na nadi, laial dahil.
Nai nahip da aokul,
Jesus na ena, Jesus na nadi,
laial dahil.

3. Jesus na ena, na danab ita,
Tibudnu nide, laial dahil.
Dotol dahil meten,
Jesus na ena, Jesus na nadi,
laial dahil.

Fr. Schuetz

53. *Jesus nur alleine*

1. Jesus danab nadi,
Tibudnu beka.
Jesus nadinabe,
da laial ena.

2. O nid dagomnab do!
Jesus nuge aum:
"Nid nau da genab umi",
nuge anam aum.

3. Jesus ab enanag,
lag ena ele.
Bekod ameg nadinab
upa oitebe.

4. Jesus, o laial na,
aibe uitme!
Am' nai nau la da umide,
nahipib ena.

5. Na da ele oidta
ol ena mete.
Ehanitete dakul,
naupa igopa.

Fr. Schuetz

54. *Bağ: Samoa dilağ*

1. O lainig ena, o Jesus,
ihinig Nadi,
na nide nakok bia
igatopa nen.
Na ihinig Nadi,
o na ihinig Nadi,
ihinig Nadi,
italob ige
atem het' oilom?

2. Tibud ate: "O nalad,
inam doige!
Nau ahilag amu oh

obikul hetem.”
 Nug genab ate,
 nug genabnab hete,
 genabnab,
 nug anam hehe,
 en dat' oitem.

Pah

55. *Bag Samoa dilağ*

1. Dahil Nadi ena heme,
 ititak ena meite!
 I elele oitep,
 am' da iku bau datem.
 Na ot doiye!
 Na ot doiye!
 Na ot doiye!
 Jesus ena heme.

2. Wanpa mua ele oitem,
 Satan nug bedup' amun'.
 Mauhna motpa hibaiten,
 am' na en' heme, atem.
 Na ot doiye!
 Na ot doiye!
 Na ot doiye!
 Jesus ena heme.

Faiupu

56. *Bag: Ich will dich lieben,*

1. O Jesus, Oldoijak nadi na,
 da nahip ol doiyebebe
 mauhena nai nahipib amu
 dabmeine oikul hetem.
 Udat hekulnu daijebe
 dona ipunide!

2. Anukan idoiyak amupa
 da gade mein' oidemi.

Hipunin nau kudum ele
bedulpa ugenab nijan.
Na dahil otpa doidna
gedilna iheme.

3. O da matunab na doidlom,
hipunin amu ihelom.
Na da onilpa ena eme;
da ol paha ieduwom.
Amunuibe da geha
ol nauhehe datem.

4. Ib nau bau la da oipanu
ena atogenoite!
Nai nahip dabmein' oikulnu
na da ena ehanide!
Haen dahil bebe, na bauklel
medape en' daijei!

G. Hueter

57. *Bağ: Siar*

1. O ige lainige Jesus,
na inam donna:
ige na nomp a mua ele daijemdo.

2. Na nakok bia
wan imupa nena utien,
na ige uhubigkunu wan naupa nena daijen.

3. Na ige lainignab,
na tin toguak
na danab ah oh uhubatak gokadna maten.

Jod

Tutuku Oijaknu Udatnu Ele

58. *Bağ: Ein' feste Burg*

1. Tibud ige ehanikak,
gupit, ban ele nuge aku.

Ige hik ibebe daput
 aha ou-ibaba oiku.
 Keket alet amu
 iku ahom date,
 nug nai hagenpade
 kaige neka hete;
 la nug bia wanpa idate.

2. Ige ika en' idamta,
 paha padal-mekunige.
 Am' la Tibud epeditan
 daput ounige ban heku!
 Aun hekun' na atem?
 Imu nug Jesus Krist,
 im' Nadi Sebaot,
 Tibud la idate;
 bake noum abenpa date.

3. Nai imu age iaomna,
 abenpa hanhan en' daku.
 Nuge ig ele datemde:
 Outi, kobol ele aku.
 Bedul adailnana,
 enul, wal, nal ele,
 akude din' gona
 hen' ena idamna;
 hab ab amu ihinige.

Fr. Schuetz

59. *Bağ: Die Sach' ist dein*

1. Udat hetat' oitemde,
 Jesus nahip amu.
 Nahip udat imuike
 inab toadima.
 Hadag ena makulkunu,
 wan opa noa aoteku.
 Wan opa noa nauhkude
 wan opa noa mauhkude
 mauhakpanu
 baulija bau ahaku.

2. O Jesus, ig ikinige,
 wan mua donna oijen.
 Mua ib anidnana iwen,
 atan amupa ten.
 Ahan' am' na ig ohenab
 mua ib ipunigna henan'
 nahip mauhak od mua amupade
 omaigepe nagatopa gotu!
 Amahlak ab
 atan apa gotu!

3. Meu dodo amubia
 na mauhona motpa non.
 Wan, Tibud na metan amu,
 hepe bau la ahat!
 Hepe kudumnab la ahan'
 atu atu italnana
 gona onin ena din' oipege
 onin binag ele don' oijege!
 Ig oh ele
 nahip udat hekunige.

Fr. Schuetz

60. *Bag: Wachet auf! ruft uns die Stimme*

1. O danab ah nide age
 ahan' imu ena antege:
 am' hab kobol igatop' nan!
 Genab dig iku ahomde,
 geha abab mata gotede,
 gatatu nug opiye gote.
 Gatatunig tuban,
 he ena amia. en' amahlan.
 Tibud nuka Outipa
 atu he bau en' wagetan.

2. Matu ige nau oidta
 am' hambupuak kobolib dodta
 ehethetat' oidemut.
 Anam gad metata dadta

hipunin nau hetat oidta
 Tibud nai ena idomut.
 Haen nau am' baulija
 haen bau igatopa beum date.
 Amunu oh ahapege
 ena hetat' oignige.

3. Tibud haen tula ba date.
 Jesusnu nai itag elede
 atu atu aha gote.
 Am' danab mudipan lainkad
 Tibudnu nai doglag henana
 anam enanag oitebe.
 Tibud udat amu
 janig bebe hetu! O ahapeg!
 Tibud ena ehanidta
 anam hekunig am' ena!

Fr. Schuetz

61. *Bağ: Aus meines Herzens Grunde*

1. O nide oh dopege
 Jesus ipu gotu!
 Anukan' keke nau la
 amu ige utu!
 Badage hambupuak!
 Satan anukan ha man,
 alankad bupualatan
 amu ige utu!

2. O nide oh dopege
 Jesus ipu gotu!
 Ib imuibe ena,
 amu ige gotu!
 Ag oh ahapege,
 hab ab ena anidta
 nug laug enapa datu!
 Ahapege gotu!

3. O nide oh dopege
 Jesus ipu gotu!

Wanenige im' naude;
 bau la atan umu
 enanage date.
 Jesus upa oite,
 keke ena la date;
 anidta dagnige.

Fr. Schuetz

62. *Bağ: Samoa dilağ—Ele lei*

1. Hanhan Jesus ele oijak, imu ena.
 Ig ika atem en' hetem? Dige ita!
 Jesus daijebe ige ika udat heta
 oidta anam het' oitem -- en' hak ita.
 Ahapege ohe Jesus 'el' hetu!
 Anam ige het' oiput ena daku.
 Jesus ige ele ananku ita.
 Jesus ele het' oitem, imu ena.

2. Ige na oninpa etemde, o Jesus.
 Ige ena ou-ibanna, na amu
 Hageouti nahip imunu ige meke!
 Am' ebehipa en' het' oigenige.
 O Jesus, na amu ige el' hetu!
 Hanhan na ele oidta en' datu!
 Hanhan na ele am' ananku ita.
 Na ige ele oitem, imu ena.

63. *Bağ: Mir nach, spricht Christus*

1. Da dim doige! Kristus ate.
 O Kristen, age ohe!
 Api bakan' wan keke un'
 bal dege dege doige!
 Ahilag nau mua ele
 din' da ipul tapan' doige!

2. Da imu Hül, oijak dahil
 bailagepa bitineb,
 la nug doa da bail mata

tubanpa ioima.

Ib amu da, oijak ena
ipunatak am' da ina.

3. Nau damnan' ihuhuadekul.
Satan kobol am' una
olagepa nau anidna
maopeg ukebe datu!
Ehanatak am' da iku
dijen' atan en' madekul.

4. Ahapeg age ig ele
am' janig beb hetata,
gota am' lainig Jesusde,
am' ige dimlamidtu!
La Jesus aokun' gikia
bauklel baulija iaoma.

Fr. Schuetz

64. Bag: Tolai

1. O danab ah ag doige!
Tibud nadi gumidna,
nid oh ele nidahin ele
ag Tibud imu, ag Tibud imu
nug ele ena daijeg!

2. Tibud imu nug ihinig odoijak,
ag aten gotebe?
Ag doige inam doige!
O ib laipu, o bag laipu•
amu ig oh dimlamidtu.

3. Jesus ate: Da ahilagnu hei,
ad atan jaidpige.
Am' adinu? Ag doiwege!
Hipunin nob, hipunin nobe,
am' ag doiweg, dona doiweg!

Pah

65. Bag: Maniwa

1. Danab ah oh ahego!
Outi eumdo daiwego!

Bauklel ibnu atedo.

Da o ol imaite daiji,

Jesus Kristus etedo e.

Abab danab oh ahego!

Abab danab oh doijego!

2. Da o ol imaite daiji,

toliak o digpanu tolide e,

hetotiaak abenpa hetodile.

Da ol imaite daiji,

Hagouti olpa noa he,

ame! o obata honata hetedo e.

O nid lailado, ahego!

O nid lailado, doigo!

Kodi

66. *Bag: Danab dilağ*

1. O danab ah nid ahan' dopego,
Jesus ipu gotu adio!

Wan imupa nau datemdo, ena daijak
aben amunab matit' anidta ig aotu.

2. Nug imu ena ukomde

ihinignu ha ib otom o.

Ahapego binag metu o!

Nug iku he ena datem o.

3. O Tibudnu nid, na enado;

o laial dahil, na enado.

Da nahip nai dokulde e,

o laial dahil, na enado.

Nida

67. *Bag: Konora*

1. Jesus aum: Doige!

Da ahilagnu nemide,

omaladpi hab atan gokunig.

2. O Mama Tibud aumde:

O bekal, na do adi

epel adape atan gokunih.

3. O Jesus aumde:
 Ib nakok e ib hogog doak,
 Paradis kobol e anidkunig.

Simon

68. *Bag: Beim fruehen Morgenlicht*

1. Atu wagda bebe, ot nug bau ahaku,
 Jesus Kristus binag mekut,
 udat gamag ahak, Jesus nob aon' uke:
 Na Jesus Kristus humite!

2. Metidpa do hepe, abab oh dapege,
 Jesus Kristus dig mehube!
 Do atemnabe aum? Nug amenpa ate:
 Na Jesus Kristus humite!

3. E lanakpa ele, ge aku el' akut,
 Jesus Kristus binag mekut;
 tuban nikut hena otiptippa akut:
 Na Jesus Kristus humite!

4. Udat bau dig mena, na aib daun atiom!
 Jesus Kristus binag mekut,
 udat gaman aheb, ot odenpa ele:
 Na Jesus Kristus humite!

5. Tibud nadi atan. Engel ag oh ele
 Jesus Kristus binag meteb,
 ig ohnab tamanit, odenig am' laipu:
 Ig Jesus Kristus humidtu.

Mui

69. *Bag: Takia dilağ*

1. O nido, ban ihinig betede, doijeg!
 Ig ibakunu betedo, doijeg!
 Nido, ahatu! Gupit ihinig,
 lat ihinig bapaidtu!
 Nug dob, ig ele nug jatu!
 Nido aib nimut!
 Ban amu inab anidmata,

lokumama ibakunu hetedo.
 O nido, atem hekunig?
 Ig itado, ig aib badamut!
 Ban lat ele adatu!
 Tamaniak nido, doijeg!
 Gupit amu Jesus kobol, aoweg!
 Ban, lat Kristus nai aig ele.

Konekone

70. *Bag: Buriyo burio*

1. Tamaniak danabo e ag doijego.
 Tibud imu oe hag ele dao,
 Jesus imu oe ebehi ele dao,
 Outi imu oe nob ele dao.
 O danab ah oh anam doijeg ao!
 O nid nidahin anam doijeg ao!

2. O laio e amen ele dao,
 o laio e daun ele dao,
 o laio e na ot ele dao,
 binag imu o bubuitak ita dao,
 binag imu o imitak ita dao,
 o laio e na anam doije ao!

3. O nano e ebehin uge ao,
 o nano e tin uge ele ao,
 o nano e tepun uge ao.
 Mamen da oe onilpa e ao,
 auwai Jesus o onigpa e ao,
 nug heb oe ana neku dao.

Kodi

71. *Totol udatnu*

1. O nido, ahego!
 Keket umu ibakunu
 wagai ma hetedo.
 Ban bala metu adi!

2. Ihinig guntag amu
 Jesus nukaibde;

onigpa ahāt
keket lamidtu!

3. Ihinig ban iki
anukan ban ameg ta,
keket ba lamitompā;
amu udat hetu!

4. Nadinab Jesus nug
Satan ele meh beija,
Jesus ebehi aha
Satan tape noum.

5. Amunu ig ele,
Jesus ihinig gupit
amuib balata,
keket beedidta gotu!

Pah.

Butua Ahi

72. *Baḡ: Herr Jesu Christ,*

1. Am iku ena bau bete,
atu atu amahalte.
Tuban epen logopanab
nijot' ahata datemde.

2. O Jesus, ige lainige,
gemu ele oignige.
Ige ika wanpa oidta
paha ige padal-metem.

Fr. Schuetz

73. *Baḡ: Danab dilaḡ*

1. Atu gait gikieje,
ai balag eduak
enanag dotemde.
Kobol anuka am'
Nadinab han datedo.

2. Atu gait gikieje,
am iku bau betede;
ode nai han amu;
bedulag honatte,
don' Nadinab humidteb.

3. Atu gait gikieje,
ode naipanu ele
epegpanu elede
amenig amu oh
ena obata maltede.

4. Atu gai gikieje,
digpa enanage
obata maua bete.
Kobol anukā am'
Nadinab han datede.

Mui

Tuban Ahi

74. *Bag: Muede bin ich geh zur Ruh*

1. Am matu okam noum,
det iku geha malom.
Da imu amel nete,
Mame, ena nekide.

2. Hab atan da negemi,
da kalam anidemi,
hodopai kudum ele,
Jehowa amotadte.

3. Gemu naute oimi?
Nai nautai ele ami?
O Jehowa, domede!
Na da aibe aideme!

Fr. Schuetz

75. *Bag: Nun ruhen alle Waelder*

1. Wan atu imu nite.
Dot danab ai elede

ag ena nitebe.

Da imu amel nene
najaknu ol babaiten'
Nadi binag mekul hetem.

2. O Mame, na bedunpa
ig gemu en' oidta
bagaitak idamut.

Onigpa amu dodta
ig: "Ena hen' mekame!"
atata na binan metem.

3. Tuban imupa bau la
na hautpa en' tonike,—
bainkadepa ele!

Ige oh anam nibput
keket atat guidpe
buti ahat' en' oitu!

G. Hueter

76. *Bag: Danab dilag*

1. Jehowa da mamel genabe,
tugamag nug epeg bahia date;
amu wanpa ena nitemde, gede.

2. Nahip Engel ag aben aben
gumigna ag haulag human' daijeg!
Amunu ig ena nitemde.

3. Jesus na tugamag haen imu
na Engel panitemde;
amu tutuku, o Jesus.

Mui

Mahitak Ahi

77. *Bag: Samoa dilag*

1. O laial epen mete!
Na geha uma gotem.
Det gemu onig nauhom,
amu Tibud unuhidtem.

Am' nug ige, ele oidta,
 am nug ige, am' nug ige ele oidta,
 am nug ige ele oidta
 amu padal-imemata.

2. Na ihinig ot doiye!
 Amu aibe gan' heme!
 Tibud nug nuka hebe
 na ot ena dakude.
 Am' nug ige ele oidta,
 am' nug ige, am' nug ige ele oidta,
 am nug ige ele oidta
 amu padal-imemata.

3. Nuge haug adit ele
 ig atognoigete.
 Na uma oipe
 ig anam oigenige.
 Am' nug ige ele oidta,
 am' nug ige, am' nug ige ele oidta,
 am' nug ige ele oidta
 amu padal-imemata.

Faiupu

78. *Bağ: Samoa dilağ*

1. O Jesus, ig imu
 ab lap' gotem,
 ab lap' gotem.

O lainig
 O Jesus, ig imu
 ib ib omaike!
 ib ib omaike!

Amunu
 na dope ige ele
 ab lapa gota oitu!

2. O Jesus, ig imu
 na ele datem,
 na ele datem.

Amunu
 O Jesus, ig imu

en' ehanike!
 en' ehanike!
 Amunu
 na nompā ige imu
 en' dadta oigenige.

Leban Pah ele

Mauhak Hab Atan Tak Ele.

79. *Bağ: Wo findet die Seele*

1. O ab, na enanag, adepa datem?
 Da na da amelpānab ianidtem.
 Na onap, upate, ipate datem?
 Dotonige ab, na adepa datem?
 Ipa ita, wānpa ita; -
 dotonige ab hab atan datem!

2. Wān un' gona ab ena am' antege!
 Dotonige ab am' onap idate.
 Jerusalem ab am' Jesus ena kalte.
 Dotonige ab amu ena date.
 Gede, aben amu ena.
 Dotonige ab amu hab atan uma.

3. Ab umu atan, o ab enanag!
 Mauhak hipunin guitak ita!
 Jesus upa oite, anidekunige,
 binage metata ahi etagnige.
 Jesus umu, Nadi ena!
 Amunu nuhikud ena dagnige.

Fr. Schuetz

80. *Bağ: Lass mich gehen*

1. Ne padailpe, ne padailpe!
 Jesus nug anidekulde!
 Ol nadi nuhignu gate,
 ol amunu hehe datem,

Jesusde anidekul,
amu da uken' gokul.

2. O enade, o enade!
Engel daub ahi hetebe.

Haul ena daijebelobe
wan im' wen' atan telomde!
Hab atan ena dalom!
Jesusde anidelom!

3. Paradis, paradis!
Na meut ubuhinabde,
atuen itag ibebe
tul bia dat' oigenige.
O atu enanage,
data dat' oigenige.

Fr. Schuetz

81. *Bag: O Gott, der du ein*

1. Atu madete oitem.
Mame abpa gokul hetem:
Jerusalem atan amupa,
Tibud nuka ena kalom.
Jesus tigepe dig meum.

Apa Tibud wan je medakul,
binage mein' ahi hekul.
Got' apa heta en' datu!

2. Da hanhan wanpa ioipa.
Hanel amu paha malte.
Hanel amu beb mauhkulde.
Tepul im' ed' wa wan meku.
Dotol amuib bau daijak.
Nuhig aben atan anade,
Jesus ena bapaidete,
amupa ena dakude.

3. Omuh nug ba betodete,
anam wanpa oitemde.
Hanel amu paha malaku.
Anam doiijen' atem hekul?

Daka atem hein' en' dakul?
 Da dotol, O Jesus, babaite!
 Ena oikulnu ou-iwe!
 Dahilnu anam ena he!

4. Odcijak Jesus, na dope
 na ña ele oignihe.
 Na ib enaib da omaidna
 hepe, nahip nai dabmeten',
 da na ipun ena oijen',
 na dimlamiten' anam oipi
 dedul bebe ehanidpe,
 mauhpi dotol ena aowe!
 Fr. Schuetz

82. Baḡ: Jau

1. Da wanpa oijak malomde,
 paha mauhen' malamide,
 da hanhan ipa idapa.

2. Dotol amu nug imauhma,
 nuhig ab Jesus aowomde,
 enanag geha gokulde.

3. O danab ah, ag aib gapig!
 O lailad, ag oh aib gapig!
 Ab amu gamal ahtede.

4. Dotol amu bala meunide,
 Jesus nuka bala metom,
 amunu ipadal-mema.

5. Jesus nug dahilnu mauhte;
 da iapa nug uidom;
 Jesus nuka omaidkude.

6. O kadoi lailad, aib gapig!
 O auwalad, adinu gateb?
 Jesus omaideb gokunih.

Mangu.

83. *Bag: Gott ist gegenwaertig*

1. Tibud ina datā,
 nug binag matata
 ig iku bagmeta datem.
 Tibud ina date,
 ige toedata
 dub nota unubidkunig.
 Aun la nug dat' amu
 laih laih inekama
 bedu oh medaku.

2. Tibud ina date,
 det tubanpa ele
 Kerubim nug humidtebde:
 Hage, hage, hage,
 engel daub oh ele
 nug binag ahi etebde.
 O Nadi, daun doiye,
 wan danab ig ele
 na binan metemde,

3. Hab, wan, ju, am ele,
 kakai, ai, dot keke
 na oden nai he bepigde.
 Wan mamenig dige
 na epenpa heme
 outi bauklel el' metame.
 Ig ele dat' oitem
 amu naib dige
 ena hen' mekame.

4. Nadi, igatopa
 nena danna oiye
 onigpa na laun babaite.
 Kristus bag-betakpa
 hipunin ihinig
 o na daun atiat.
 Am' amu ige oh
 na bekanad dadta
 nahip udat hetu.

R. Inselmann



